

کتابخانه

سر ۱۳۳۰

والله يهدي من يشاء الى صراط مستقيم ديني ، علمي ، ادبي ، سياسي هفتعلق بمجموعة اسلاميه در
آتبعون اهدكم سبيل الرشاد

صاحب و مدير مسئول : ح . اشرف اديب

عدد ۲۷ - ۲۰۹ ۲۳ رمضان ۱۳۳۰ پنجشنبه ۲۳ اغستوس ۱۳۲۸ جلد ۲ - ۹

قنورات صوبی دانه لری

دون اینه کولدن شویله بر تلغراف آلدق :

در علیه باب عالی جاده سنده اورخن بك خاندنه
محترم سبیل الرشاد اداره علیه سنده

مرکز خلافتده ، مسلمانلر سایه سنده پك زنکین اولوب شمیدیه
قنورات صوبی دانه لری اعلان ایله مسلمانلره ییدیرمکه بالطبع پك خسیس
مبلغ مقابلنده توسط ایدن صباچی به بیان نفرته و بودانه لرك حقیقتی بیله یروب
مسلمانلری ایقاط ایلیان حیثی مسلمانلردن محمد فوزی ایله احمد ابراهیم افندیلره
محترم سبیل الرشاد واسطه سیله اك حار تشکرات داعیانهمی تقدیمه مساعده
بیورلینی استرحام ایلم افندم .

سرای بوسنه لی سمیز زاده

الحاج محمد

— سبیل الرشاد —

صبح ، کتیریلن اعلانلرك ترکیباتی بیله میه جکی جهتله ابتداء
درج ایتکده معذوردر . فقط حقیقت بیله ییدیرلکدن صوکره ینه درج
ایتکده دوام ایدرسه اووقت - حقیقه پك خسیس بر مبلغ خاطری
ایچون - افکار عمومی اسلامیه قارشی بیوک بر صایغیسزلق یا پیش
اولور .
الحاج محمد افندیك غلیان حمیتی شایان تقدیردر . دینی سون آکا
حرمت ایتدیرمه نك یولنی ده بیله . آرتق مسلمانلر او یوشقلمنی ترك
ایتملیدر .

(خاش رود) و (هلمند) مشهور نهرلرندندر .

ناریخك روایتنه کوره بو ولایت ، قبل الاسلام مشهور ایران
قوماندانی (رستم) ك مسقط رأسی در؛ اسلامیتدن صوکراده (سنجری)
و (سجستانی) کبی بویوک عالملر، مشهور ادیبلر یقشدرمشدر . و قتيله
— غزنویلر ، غوزیلر زماننده — افغانستان اداره سنده بولوندی . بر
زمانلرده ایران دولت صفویه نك اداره سنده کچدی ؛ افغانستان نائل
استقلال اولدینی زمان ، حوزه اداره سنده انتقال و نهایت ایران
و افغانستان آراسنده تقسیم اولوندی .

افغانستانك (سیستان) ده عسکر طوبلامسنه سبب ؛ روسیه نك
آذربایجانده کی حرکاتيله قافقاسیاده کی تحشیدات عسکریه سی اولدوغنه
شبهه ایتمه ملیدر . روسلرك مشهد و سائر اسلام شهرلرنده کی حرکات
قطعیه سی ، خراسان ولایتده کی وضع اشغالی ؛ افغانیلری بویوک بر
مصیبت قارشی اویانیق بولونماغه مجبور ایتمشدر . چونکه بو حاللر ؛
سیستان ولایتی ده عینی عاقبت دوجار اولقله انذار ایدیوردی . بناءً
علیه اوحوالیده قوتی تعییه ایدره ك عندالحاجه بو کوندن سیای تهدیدی
کوسترن فلاکتدن قورونمق افغان ایچون درجه وجوبده ایدی .
ایشته برچوقلری افغانیلرك حرکاتندن شبهه دوشورن ، قیل و قاله
یول آچان شی بوندن عبارتدر . افغانستانك خط حرکتی نه بویوک
بروجوبك تحت تأثیرنده بولوندیغنی قارئلرمنك آکلایشیلری آکلار .

شیون

دارالخلافه :

بیوک بر اسلوم مجاهدینك تسلیمی . — مصرک و بشون عالم
اسلامك مدار افتخاری بولنان افاضله ن عبدالعزیز چاریش افندی حضرتلری
توقیف ایشدر . مشار الیه ، الیوم (هلال عثمانی) غزته سی سرمررلکنی ایفا
ایتکده ومقالاتی جلب انظار تقدیر ایله مکیده ایدی . حادثه توقیف حقنده
آلدیغیز معلومات بروج آتیدر : دون صباح (هلال عثمانی) اداره خانه سنده
ایکی پولیس کلیر . عبدالعزیز افندی بی صورار . کلدیکنی آکلانجه اداره
خانه بی محافظه آلتنه آله رقی بکلرلر . فاضل محترم کلنجه درت پولیس ، ضابطه
اداره سنده قدر کوتورورلر . و اداره خانه ده بولونانلری ده اختلاطدن منع ایلرلر .
عبدالعزیز افندی بر مدت صوکره کلیر . بر جوق ترصد مأمورلری پولیسلر
وبو میانه مصردن صورت مخصوصه ده اعزام اولنان ایکی سویل مأمور
اولدینی حالده اداره خانه وبعده قاضی کونینده کی خانه سی تحری اولونور . طبیعی
هیچ بر شی بولوماز . یالکیز خصوصی بر قاج فوطوغرافیا ایله بر ایکی رساله
آلیر . زوالی فاضل مصائبده ایسه باب عالی به کلوب بر آز آرامدن صوکره
مصردن کلن ایکی پولیس ده برابر اولدینی حالده (رومانیا) واپورینه پندیریلوب
مصره سوق اولدینی دونکی یومی غزته لرده اوقوندی .

دارالخلافه دیه بورایه صیغنان وطنپرور اسلام مجاهدلری حایه ایدمه مک
کبی بتون افکار عمومی اسلامیه بی رنجیده ایدمه جک برح . اختیار ایلدیکندن
دولای بتون عالم اسلام نامنه بیان تأسف و تأثر ایلرلر .

دار محمد و محمدی انجیرلر . — عثمانی هلال احمر جمعیتك آمریقای
جنوبیده کی شعبات رئیس وانکلتره نك قاب مستملکسی اهالی اسلامیه سندن

مطبوعات

افغانیلر ، ایران حدودنده

افغانستانك پایتختی اولان (کابل) ده منتشر «سراج الاخبار الافغانیه»
جریده اسلامیه سندن :

غزته لر ، بو کونلرده ایرانك جنوب غربی حدودنده جریان ایدن
حادثاتی موضوع بحث ایدیور . بونلرك بوخصوصه کی نشریات
متباینه سی ؛ برچوق روایات و اشاعتك میدان آلماسنه سبب اولویور .
بعضلری دیورلرک : «افغان حکومتی ، سیستان ولایتی ضمیمه بلاد
ایتمک ایچون انتهاز فرصت ایدیور .» بشریتده فرمانفرما اولان
«قانون تنازع» مطابقنه باقه رقی بوفکری تصویب ایدنلرده وار .
دوشونویورلرک آرتق قدیم برمجك وارثی اولان ایران ، مملکتی
محافظه ایدمه جک بر درکه ضعفه دوشمشدر . بعضلری ده افغان
عسکرینك بلاد ایرانیه به بلا مقاومت دخولی بر جوق کیزلی شیلره
دلات ایدر دیورلر . حاصلی هر فرد ، کندی اوهام و فرضیاتی
اوزرینه بر جوق مطالعه لر بنا ایدیور .

موضوع مسئله به کیرشمه دن اول برکره سیستان ولایتك موقع
جغرافی و تاریخیسی دوشونمك لازمدر . بوولایت ؛ خراسانك
جنوبنده کائن در . اراضیسی پك جورا قدر . نصف غربیسی ،
ایرانه ، نصف شرقیسی افغانه تابعدر . (هری رود) ، (فراه رود) ،